

**НОХЧИЙН РЕСПУБЛИКИН ДЕШАРАН А, ИЛМАНАН А МИНИСТЕРСТВО  
ТИЕТОЪХНАЧУ КОРМАТАЛЛИН ДЕШАРАН  
ПАЧХЪАЛКХАН БЮДЖЕТАН УЧРЕЖДЕНИ  
«НОХЧИЙН РЕСПУБЛИКИН ДЕШАР КХИОРАН ИНСТИТУТ»**

---

**НОХЧИЙН РЕСПУБЛИКИН ДЕШАРАН А, ИЛМАНАН А МИНИСТЕРСТВО  
ПАЧХЪАЛКХАН КАЗЕННИ УЧРЕЖДЕНИ  
«НОХЧИЙН МЕТТАН ИНСТИТУТ»**

---

**Кобьртачу ишколан  
5–8 классашна лерина  
«ЙЕШАР» проект кхочушйаран  
нохчийн меттан,  
литературин хьехархочун  
белхан алгоритм**

**Галашо:**

5–8 классийн дешархойн нохчийн метган, литературин хаарш (дешаран ардамаш) кхиоран кепаш кхачаме йалор:

- дешнаш, предложенеш, шайн барамца 90 дашал кIезиг а, 100 дашал сов а йоцу тексташ нийса схъайазйан (5-чу классийн дешархошна);
- дешнаш, предложенеш, шайн барамца 100 дашал кIезиг а, 110 дашал сов а йоцу тексташ нийса схъайазйан (6-чу классийн дешархошна);
- дешнаш, предложенеш, шайн барамца 110 дашал кIезиг а, 120 дашал сов а йоцу тексташ нийса схъайазйан (7-чу классийн дешархошна);
- дешнаш, предложенеш, шайн барамца 120 дашал кIезиг а, 140 дашал сов а йоцу тексташ нийса схъайазйан (8-чу классийн дешархошна);
- йеллачу тема на йеиначу текстан буха тIехь, произведенин чулацамца догIуш, 5–8 предложенел кIезиг доцу йозанан аларш хIитто (5–6 классийн дешархошна);
- йеллачу тема на йеиначу текстан буха тIехь, произведенин чулацамца догIуш, 8–10 предложенел кIезиг доцу йозанан аларш хIитто (7–8 классийн дешархошна).

## **Нохчийн метган, литературин хьехархочун болх кхочушбарехь рекомендацеш**

### **1. Нохчийн метган, литературин тIетохна белхаш кхочушбархьама дешархошкахь хила деза хIокху барамехь тетрадаш:**

<b>№</b>	<b>Предмет</b>	<b>5–8 классаш</b>
1	Нохчийн мотт	1 тетрадь
2	Нохчийн литература	1 тетрадь

Дешархоша пайдаоьцу 12–18 кехатах лаьтгачу шуьйра могIанаш долчу стандартни тетрадах.

Предметан тетрадь цIена лело деза. Цуьнан мужалта тIехь хила дезачу йозанан кеп:

Соблжа-Галин № 5 йолчу гимназин  
7 А классан дешархочун  
Эскиева Асетан  
нохчийн метган  
тIетохначу белхийн тетрадь

Комсомольскера йуккьерчу ишколан  
6 В классан дешархочун  
Адамов Аюбан  
нохчийн литературин  
тIетохначу белхийн тетрадь

## **2. Нохчийн меттан тIетоьхна белхаш вовшахтохар кхочушдо кIиранах цкъа.**

КIиранан хьалхарчу урокехь 5-чу классийн дешархошна шен барамца 90 дашал кIезиг а, 100 дашал сов а йоцу текст ло цIахь схьайазйан. 6-чу классийн дешархошна шен барамца 100 дашал кIезиг а, 110 дашал сов а йоцу текст ло цIахь схьайазйан. 7-чу классийн дешархошна шен барамца 110 дашал кIезиг а, 120 дашал сов а йоцу текст ло цIахь схьайазйан. 8-чу классийн дешархошна шен барамца 120 дашал кIезиг а, 140 дашал сов а йоцу текст ло цIахь схьайазйан.

Цу дийнахь дешархошна нохчийн меттан урокехь цIахь кхочушбан цхьаннал сов йозанан болх ца ло, оьшуш хилахь Iамийнчу темина тIетоьхна цIера болх бала йиш йу барта кхочушбан: бакьо Iамо, и. д. кх. а. ТIейогIучу дешаран урокехь дешархошна болх кхочушбина а, таллам бан дIабелла а хила беза. Хьехархоcho дешархойн белхаш толлу. Маххадоран критерешца йогIуш, тетрадаш тIе оценкаш хIиттайо. ТIедогIучу кIиранахь тетрадаш дешархошка дIало керла болх кхочушбайта.

**Билгалдаккхар.** *Кечийнчу кепа тIера схьайаздар – тIера схьайазйан луш йолу текст, элаш йукъахдитина доцуш, тIетоьхна тIедакхари доцуш хила йеза; оцу белхан Iалашо йу, гIалаташ а, талхориш а доцуш, текст нийса схьайазйар.*

### **Схьайаздаран йацйина алгоритм.**

1. ДIайеша предложени, иза йуха дагахь схьайийца.
2. ДIайеша предложени кхин цкъа а, иза йазйина ма-йарра.
3. Предложени дIайазйеш, хIора дош деша хьайна дагахь ма-латтара.
4. Йазйинарг талла. ХIора дош деша. Текст схьайелла, йазйинарг текстаца йуста.

## **3. Нохчийн литературин тIетоьхна белхаш вовшахтохар кхочушдо кIиранах цкъа.**

КIиранан шолгIачу урокехь 5–6-чуй классийн дешархошна цIахь кхочушбан безачу йозанан белхан тIедиллар ло билгалйаьккхинчу темина йешначу текстан буха тIехь йозанан алар хIотто. Алар 5–8 предложенел кIезиг доцуш хила деза.

7–8-чуй классийн дешархошна цIахь кхочушбан безачу йозанан белхан тIедиллар ло билгалйаьккхинчу темина йешначу текстан буха тIехь йозанан алар хIотто, 7–8-чуй классашкахь алар 8–10 предложенел кIезиг доцуш хила деза.

Цу дийнахь дешархошна нохчийн литературин урокехь цIахь кхочушбан цхьаннал сов йозанан болх ца ло, оьшуш хилахь Iамийнчу темина тIетоьхна цIера болх бала йиш йу барта кхочушбан: произведени къастош йешар, чулацам схьабийца кечамбар, и. д. кх. а. ТIейогIучу литературин урокана дешархошна болх кхочушбина а, таллам бан дIабала кийча а хила беза.

Хъехархочо дешархойн белхаш толлу. Маххадоран критерешца йоглуш, тетрадаш те оценкаш хиттайо. Пейоглучу литературин урокехь тетрадаш дешархошка далло керла болх кхочушбайта.

#### 4. Нохчийн меттан белхан маххадоран критереш

№	Класс	Толлу хаарш	Маххадоран критереш
1	5	Дешнаш, предложенеш, шайн барамца 90 дашал клезига, 100 дашал сов а йоцу тексташ нийса схъайазйан	<p><b>Белхан мах хадабо цхъана оценкица</b></p> <p><b>Оценка «5»</b> хIоттайо цхъа а гIалат доцчу балхана, ткъа иштта цу тIехь 1 доккха доцу орфографически йа 1 доккха доцу пунктуационни гIалат далийтинехь.</p> <p><b>Оценка «4»</b> хIоттайо 2 орфографически а, 2 пунктуационни а гIалат далийтинехь, йа 1 орфографически, 3 пунктуационни гIалат йа, цхъа а орфографически гIалат доцуш, 4 пунктуационни гIалат далийтинехь.</p> <p><b>Оценка «4»</b> хIотто йиш йу 3 орфографически гIалат далийтинехь, нагахь царна йукъахь цхъана бакъонна гIалаташ делахь.</p> <p><b>Оценка «3»</b> хIоттайо 3–5 орфографически а, 4 пунктуационни а гIалат далийтинчу балхана.</p> <p><b>Оценка «3»</b> иштта хIотто йиш йу 6 орфографически а, 6 пунктуационни а гIалат далийтинехь, нагахь царна а, вукхарна а йукъахь доккха доцу а, цхъана бакъонна а гIалаташ делахь.</p> <p><b>Оценка «2»</b> хIоттайо, нагахь балха тIехь гIалаташ оценка «3» хIотторан барамал сов делахь</p>
2	6	Дешнаш, предложенеш, шайн барамца 90 дашал клезига, 100 дашал сов а йоцу тексташ нийса схъайазйан	<p><b>Белхан мах хадабо цхъана оценкица</b></p> <p><b>Оценка «5»</b> хIоттайо цхъа а гIалат доцчу балхана, ткъа иштта цу тIехь 1 доккха доцу орфографически йа 1 доккха доцу пунктуационни гIалат далийтинехь.</p> <p><b>Оценка «4»</b> хIоттайо 2 орфографически а, 2 пунктуационни а гIалат далийтинехь, йа 1 орфографически, 3 пунктуационни гIалат йа, цхъа а орфографически гIалат доцуш,</p>

			<p>4 пунктуационни гҀалат далийтинехь.</p> <p>Оценка «4» хҀотто йиш йу 3 орфографически гҀалат далийтинехь, нагахь царна йукьахь цхьана бакьонна гҀалаташ делахь</p> <p><b>Оценка «3»</b> хҀоттайо 3–5 орфографически а, 4 пунктуационни а гҀалат далийтинчу балхана.</p> <p>Оценка «3» иштта хҀотто йиш йу 6 орфографически а, 6 пунктуационни а гҀалат далийтинехь, нагахь царна а, вукхарна а йукьахь доккха доцу а, цхьана бакьонна а гҀалаташ делахь.</p> <p><b>Оценка «2»</b> хҀоттайо, нагахь балха тҀехь гҀалаташ оценка «3» хҀотторан барамал сов делахь</p>
3	7	<p>Дешнаш, предложенеш, шайн барамца 100 дашал кҀезиг а, 110 дашал сов а йоцу тексташ нийса схьайазйан</p>	<p><b>Белхан мах хадабо цхьана оценкица</b></p> <p><b>Оценка «5»</b> хҀоттайо цхьа а гҀалат доцчу балхана, ткьа иштта цу тҀехь 1 доккха доцу орфографически йа 1 доккха доцу пунктуационни гҀалат далийтинехь.</p> <p><b>Оценка «4»</b> хҀоттайо 2 орфографически а, 2 пунктуационни а гҀалат далийтинехь, йа 1 орфографически, 3 пунктуационни гҀалат йа, цхьа а орфографически гҀалат доцуш, 4 пунктуационни гҀалат далийтинехь.</p> <p>Оценка «4» хҀотто йиш йу 3 орфографически гҀалат далийтинехь, нагахь царна йукьахь цхьана бакьонна гҀалаташ делахь.</p> <p><b>Оценка «3»</b> хҀоттайо 3–5 орфографически а, 4 пунктуационни а гҀалат далийтинчу балхана.</p> <p>Оценка «3» иштта хҀотто йиш йу 6 орфографически а, 6 пунктуационни а гҀалат далийтинехь, нагахь царна а, вукхарна а йукьахь доккха доцу а, цхьана бакьонна а гҀалаташ делахь.</p> <p><b>Оценка «2»</b> хҀоттайо, нагахь балха тҀехь гҀалаташ оценка «3» хҀотторан барамал сов делахь</p>
4	8	<p>Дешнаш, предложенеш,</p>	<p><b>Белхан мах хадабо цхьана оценкица</b></p> <p><b>Оценка «5»</b> хҀоттайо цхьа а гҀалат доцчу балхана,</p>

	<p>шайн барамца 120 дашал кIезиг а, 140 дашал сов а йоцу тексташ нийса схъайазян.</p>	<p>ткъа иштта цу тIехъ 1 доккха доцу орфографически йа 1 доккха доцу пунктуационни гIалат далийтинехъ.</p> <p><b>Оценка «4»</b> хIоттайо 2 орфографически а, 2 пунктуационни а гIалат далийтинехъ, йа 1 орфографически, 3 пунктуационни гIалат йа, цхъа а орфографически гIалат доцуш, 4 пунктуационни гIалат далийтинехъ.</p> <p>Оценка «4» хIотто йиш йу 3 орфографически гIалат далийтинехъ, нагахъ царна йукъахъ цхъана бакъонна гIалаташ делахъ.</p> <p><b>Оценка «3»</b> хIоттайо 3–5 орфографически а, 4 пунктуационни а гIалат далийтинчу балхана. Оценка «3» иштта хIотто йиш йу 6 орфографически а, 6 пунктуационни а гIалат далийтинехъ, нагахъ царна а, вукхарна а йукъахъ доккха доцу а, цхъана бакъонна а гIалаташ делахъ.</p> <p><b>Оценка «2»</b> хIоттайо, нагахъ балха тIехъ гIалаташ оценка «3» хIотторан барамал сов делахъ</p>
--	---	---

### 5. Нохчийн литературин маххадоран критереш

№	Класс	Толлу хаарш	Маххадоран критереш
1	5-6	Билгалйабк-кхинчу темина йешначу текстан буха тIехъ, произведенин чулацамца догIуш, 5–8 предложенел кIезиг доцу йозанан алар хIотто	<p><b>1. Алар темица догIуш хилар, тема схъайеллар</b></p> <p><b>2 б.</b> – алар темица догIуш ду, нийса жамIаш чулоцу.</p> <p><b>1 б.</b> – алар темица йукъ-кара догIуш ду/тема йукъ-кара схъайиллина.</p> <p><b>0 б.</b> – алар темица догIуш дац.</p> <p><b>2. МаьIнин цхъаалла.</b></p> <p><b>1 б.</b> – алар маьIнин цхъааллица къабсташ ду.</p> <p><b>0 б.</b> – аларехъ маьIнин цхъаалла йац, алар шеца маьIна долуш дац.</p> <p><b>3. Къамелан говзалла а, нийса хилар а.</b></p> <p><b>2 б.</b> – алар къамелан говзаллин а, меттан гIирсаш нийса харжаран а лехамашца догIуш ду, къамелан гIалаташ дац.</p> <p><b>1 б.</b> – алар къамелан говзаллин лехамашца догIуш ду, амма къамелан гIалат йа меттан</p>

			<p>гГирсаш харжарехь доккха доцу кхачамбацар далийтина.</p> <p><b>0 б.</b> – алар дешнийн хьал кьен хиларца кьаьсташ ду, кьамелан гГалаташ далийтина.</p> <p><b>Лаккхара балл – 5 балл</b></p> <p><i>Белхан маххадорехь тидаме эца беа аларан барам, нагахь барам хила безачул лахара белыхь, йаьхначу баллаш тIера цхьа балл дIайоккху</i></p>
2	7-8	<p>Билгалйаьк-кхинчу темина йешначу текстан буха тIехь, произведенин чулацамца догIуш, лаххара а 8–10 предложенел кIезиг доцу йозанан алар хIотто</p>	<p><b>1. Алар темица догIуш хилар, тема схьайеллар</b></p> <p><b>2 б.</b> – алар темица догIуш ду, нийса жамIаш чулоцу.</p> <p><b>1 б.</b> – алар темица йукь-кара догIуш ду/тема йукь-кара схьайиллина.</p> <p><b>0 б.</b> – алар темица догIуш дац.</p> <p><b>2. МаьIнин цхьаалла.</b></p> <p><b>1 б.</b> – алар маьIнин цхьааллица кьаьсташ ду.</p> <p><b>0 б.</b> – аларехь маьIнин цхьаалла йац, алар шеца маьIна долуш дац.</p> <p><b>3. Кьамелан говзалла а, нийса хилар а.</b></p> <p><b>2 б.</b> – алар кьамелан говзаллин а, меттан гГирсаш нийса харжаран а лехамашца догIуш ду, кьамелан гГалаташ дац.</p> <p><b>1 б.</b> – алар кьамелан говзаллин лехамашца догIуш ду, амма кьамелан гГалат йа меттан гГирсаш харжарехь доккха доцу кхачамбацар далийтина.</p> <p><b>0 б.</b> – алар дешнийн хьал кьен хиларца кьаьсташ ду, кьамелан гГалаташ далийтина.</p> <p><b>Лаккхара балл – 5 балл</b></p> <p><i>Белхан маххадорехь тидаме эца беа аларан барам, нагахь барам хила безачул лахара белыхь, йаьхначу баллаш тIера цхьа балл дIайоккху</i></p>

### Баллаш пхеабаллан тIегIане йахар

Баллийн барам	Оценка
5 б.	5
4 б.	4
3 б.	3
0–2 б.	2

Четверть йа триместр чекхйолуш, тетрадаш тIе хIиттийна оценкаш  
вовшахтухий, йуккъера балл билгалйоккху. Иза журнал тIехь четвертан йа  
триместран оценки хьалха йолчу колонки чу дIахIоттайо.



## Йуххедиллар 1

Массо а дешархочунна цѡахь схъайазйан луш йерг цхъа текст йу.

### ТЕКСТАШ 5 КЛАСС

#### 1. Схъайазйе текст.

Мархаш йу стиглахь бодане лаьтташ. Кхин гуш дац бѡаьстенан олхазарш. Сингаттаме йека дитта тѡехь кьиг. Гуьйренан шийла мох хьобкху. Гергакхочуш ду обьгазе, амма хаза Ia.

Эххар а охъадилли доккха, бамба санна, кѡайн ло. Цо дерриг а латта дѡахьулди. Дитташ а, цѡенош а кечдели, кѡайн куйнаш техкина. Шелано а шен болх дѡаболлий. Цо кегийчу а, даккхийчу а хишна тѡеш тохку, дитташ, кораш кечдо исбаьхьчу суьрташца. Махо дѡакхехьначу лайх хилла баьрзнаш лаьтта гобаккхина.

Iaьн тѡехь дуккха а бу йуьртарчу бахархойн белхаш. Ткъа бераш а ца Ia мукъа. Цара олхазаршна йуург таса меттигаш кечйо.

#### 2. Схъайазйе текст.

Со Орган тѡе чѡерий леца обхура. Орга Iаламат чехка хи ду. Цуьнан цхъайолу меттигаш мелла а кѡорга а, тийна а карайо. Уьш чѡерийлецархочунна мѡара богIa тамехь йу.

Дика меттиг карийра суна цхъана дийнахь. Мѡера тѡе нѡаьна а боьллина, хи чу тесира ас иза. Дукха хан йалале сан мѡара дѡасахьебан болийра. Ас хьалатоьхча, чѡара бара цунна тѡехь.

Жима айма йира ас сайна. Цу чу хийцира айса лаьцна чѡара.

Цу дийнахь кхин а лийцира ас чѡерий. Уьш а айми чу хийцира.

Дика меттиг хиллера суна карийнарг. Цул тѡаьхъа сой, сан ваший кест-кеста вобдура цига.

#### 3. Схъайазйе текст.

Iалам! И дош доца делахь а, шен чулацам кѡоргтера болуш ду. Адамийн а, дийнатийн а, бецийн а, хьаннийн а дахар Iаламах хаьдда хила йиш йолуш дац. Лаьттахь долу дахар Iаламах дозуш, Iаламо латтош а ду. Шен кѡайленах дуьззана, массо а хенахь шен хаза мур болуш ду Iалам.

Самукъане, хаза бѡаьсте чекхйаьлла йолуш лаьттара. Тѡейогѡуш йара беркате, йовха аьхке. Иза адамашна уггаре а каде мур бу.

Массо а акхарой, олхазарш, шайн бѡаьста дуьненчу йевлла кѡорнеш кхиош, Iалашйеш, уьш когайохуьйтуш, синтем боцуш лелара. Бѡаьста санна, эшарш лобкхуш, ловзуш лела йиш йацара церан.

#### 4. Схъайазйе текст.

Органан шоралла тЕхула долчу сераш тЕхь кІац йацара. Цхъана сера тЕ  
йеана чЕгІаг хиира. Жимма цу тЕхь а Іийна, йуха хъала а гІаьттина,  
дІайахара иза. Амма дукха хан йалале, шеца кхо-йиь чЕгІаг а йолуш,  
йухайеара. ЧЕгІагаш могоІара сераш тЕ охъахевшира.

Дукха хан йалале схъагулделира тайп-тайпана олхазарш. Цара дІалецира  
серийн кхо га.

Сераш тЕ олхазарш гулдалан а шен бахъана дара.

Буйса а, Іуьйре а шийла хилча, Органан хи хІаваал мела хуьлу. Цу тЕра  
Іаь гІуьттуту. Цо Орган тЕхула долу хІаваь малдо, цундела сераш тЕхь кІац ца  
соцу. «Хъекъал» долуш йолчу чЕгІагашна иза хаа а хиъна, цара даьккхинера  
и орца.

## 5. Схъайазйе текст.

Іаьнан шийла зама. Ша хъаькхначу арахь когаш шершара. ГІийлачу  
боларца хи дохьуш йогІура цхъа йоккха зуда. Гу тЕ хъалайолуш, галйелира  
иза. Когаш шершаш саца а ца йелла, охъакхийтира зуда. И гира ша тЕхь  
ловзуш волчу Іумарний, Мохъмадний. Іумар велавелира. Цунна  
обгІазваханчу Мохъмада бехк баьккхира. ТІаккха цо, чехка тЕ а ведда,  
зудчунна хъалагІатта гІо дира. Ведарш йуха дуза а дуьзна, уьш цІа а  
даьхъира. Зудчо доккха баркалла элира кІантана.

ШолгІачу дийнахь хъехархочо дикачу амалех лаьцна къамел дира  
берашка. Йерриг класс дІатийнера. Хъехархочо дийцира Мохъмада селхана  
зудчунна гІо дарх лаьцна. Цу зудчо кехат даийтина хиллера цуьнга.

## 6. Схъайазйе текст.

Хаза лаьттина йовха аькхе чекхйолуш йара. Аькхе чекхйаларх-м Іалам а,  
адам а саготта дацара. ТІекхочуш берг токхе мур бара – гуьйре! Уггар хъалха  
гуьйре тІекхочуш хилар хаййтира мангалхоша. Іуьйранна ахь ладоьгІча,  
хезаш хуьлура нуьйжи тЕхь жІаьвнаца цара тусуш долчу мангалийн татанаш.

Гуьйре йола цхъа кІира хъалха тохайелира кертарчу дозанехь йолу  
балгаш зазадаккха. Уьш жим-жима йеллалуш лаьттара.

Билггал гуьйре тІекхочуш хилар гойтуш, аьхкена тІаьххьарчу  
деношкахь стиглара схъа некъан узамца хаам бира гІаргІулеша. Уьш, кхо са  
болчу могоІанца жут нисйина, кьилбехъа довхачу мехкашка Іа даккха  
йоьлхуш йара.

Кест-кеста дуькба дохк хІуттура, дерзаш а догІура.

## 6 КЛАСС

### 1. Схъайазйе текст.

ОьгIазе шок йетташ, кьилбаседехъара схъахъекхна шийла мох эчна, дIадахара буюрса Iа. Дешна, хи а хилла, дIаделира лаьмнашца Iиллина ло. Шийлачу, безачу мохъах паргIатдаьлла Iалам, сийна духар духуш, кечделла дIахIоьттира.

БIаьстенан бовхачу малха кIел мелачу махо тулгIенашца техкайора сийначу дитташий, бес-бесарчу зезагаший кьарзыйна раьгIнаш. Мотталора, самадевлла зезагаш, шайн дIасатехкарца вовшашка кортош лестош, вовшийн хьобстуш, къамеле девлла. Оцу хазачу Iаламе хьажа а, цунах марзо эца а гIерташ санна, гуобаьккхина дашо зIаьнарш а йаржийна хьобжу малх эсала белакъежара. И исбаьхьа Iалам, и хаза бIаьсте декъалйеш, цуьнга маршалла хьобтуш санна, шабарш деш, самукъане эшарш лобкхуш, шакарш йетташ хьаннашкахь декачу олхазарийн зевнечу аьзнаша дуьзнера ламанан цIена хIаваь.

### 2. Схъайазйе текст.

Аьхкенан цхьана довхачу дийнахь, бабас бийцина ирсан тIулг лаха даха дагадеара берашна. Даша ца дайта, хечин когаш хьала а карчийна, когаш Iуьйра волу кхо кIант лаьмнашкахьа хьалавахара.

Оцу дийнахь хи чуьра дукха тIулгаш лехьйра бераша. Седа санна хьаььначу хи чохь уьш дерриш а, жовхIарш санна, лепара. ЦIен, можа, сийна, баьццара, кIайн, Iаьржа долуш, зезагаш санна, хаза дара уьш дерриш а, амма ирсан тIулг царак муьлха бу, царна ца хаьара. Черий лобцуш, ловзуш, луйчуш, самукъадаьлла лелла, сарахь цIа кхечира бераш.

XIетахь дуьйна хийла шераш дIадевлла. Ирсан тIулг ца карийра Микина а, цуьнан жималлин доттагIашна а. XIинца-м хаьа Микина ирсан тIулг каро атта доцийла а, иза хин бердашца лиэха ца безийла а.

### 3. Схъайазйе текст.

Акха цицигаш дуьххъара суна девзира Казахстанехь. Цигахь дерш а, вайн махкахь дерш а вовшех башха дукха къаьсташ дац. Уьш мелла а овкъаран бос болуш, ул-уллехь Iаьржо бос болу моханаш йолуш ду. Уьш вайн махкахь долчу цицигел мелла а кегий ду.

Цхьана дийнахь со акхачу цициган кIорнешна тIенисвелира. Царак самукъадаьлла, хьобжуш лаьттира со. Цхьаь сайна схъаэца куьг тIехьошшехь, мичара дели ца хууш, схъаиккхина, хьалхарчу шина коган мIарашший, цергашший сан куьйгах таса а делла, кхозаделира иза, ас сайн вукху куьйгаца озийча а, дIа ца хьобцура цо. TIаккха ас коьрташ шозза буй тоьхча, дIахийцира. Куьг вуно чIогIа лазийнера цо сан, цIий гучу а доккхуш, чкьор а хедош. Ша

дехъ а, шен кЈорнешна тЈехЈуттур долуш хиллера и.

#### 4. Схъайазйе текст.

Пхи шо дара сан, Іаьнна кечйинчу алах сан вашас цЈе тесча. Цхъана сарахъ тхойшиъ сирникех ловзуш вара, вовшашна уьш, лета а йеш, тЈетІа кхуйсуш.

Сан ваша, сол ши шо воккхахволу, и ловзар кЈорда а дина, ала тЈе сирникаш кхийса хЈобттира. Аса мохъ хьобкхура, саца бохуш. ЦЈе эххар а марсайелира, тхойшинга дІа а ца йайѓалуш.

Тхойшиъ, божалан тхов тЈе а ваьлла, дЈалечкЪира, хЪерайаьллачу цЈаре а хьобжуш. Йол дукха йара, арц санна, ирх а йахана, раѓу санна, йехха йобттина. Маьхъарий дара тхойшинна хезаш, тхан да а, девежарий а, лулахой а болуш йукъахъ. Тхан дас мохъ беттара, йол йитий, ши кЈант схъалаха бохуш. Со воьлхуш а хезна, дас тхов тЈера охъаваьккхира тхойшиъ.

#### 5. Схъайазйе текст.

Хъажмурд шен шийтта шо кхочучу хенахъ дегІана эѓаза, амма вуно тЈах-аьлла а, хьуьнар долуш а кЈант вара. Жима велахъ а, чохъ а, кертахъ а, ишколехъ а дечу гЈуллакхана тЈера вара иза. Шен хене а, дегІан ницкЪе а хъаьжжана, тЈедиллина гЈуллакх, мало а ца йеш, дика кхочушдора цо. Цуьнга балун болчу балха тЈера йухайзош, кхоа ца вора иза дас.

Ишколехъ кЪинхъегаман урокаш доккхачу хьуьнарца, кхиамца кхочушйора Хъажмурда. Ишколан куьйгалхоша, Сийлаллин грамота а луш, къастош билгалваьккхира иза. КЈант дика кхиорна цуьнан денй, нанний баркалла а элира.

Урокашкахъ дика ладугЈуш а, кхета гЈерташ а хиларе терра, дешар дика хаъара Хъажмурдана. Девне воцуш, шайца уьйр йолуш хиларна берашна дукхавезара иза. Даима цуьнан векхавелла хиларо а гойтура, даг тЈехъ мекха йоцуш, догцЈена иза хилар.

#### 6. Схъайазйе текст.

ЧЈогІа хазачу гЈутакх чохъ Іашурина цхъамма совѓатна къоламаш деллера. ГЈутакхан неѓар тЈехъ диллина стелаЈодан сурт дара, ворхІ тайпана бос а болуш. Іашурина къоламаш чЈогІа хазаетара, цо уьш, кхоош, наггахъ бен ца леладора.

Цхъана Іуьйранна къоламаш чохъ долу гЈутакх схъадиллира йоІа. Схъайцира баьццара бос болу къолам. Цуьнца бецан сурт диллира. ТЈаккха боьмашниг схъайцира. Цуьнца йобІан сурт диллира, цхъа хаза бой коьртахъ а йолуш. ЦЈечу къоламца цу баьццарчу арен тЈехъ шортта петІаматан зезагаш

дехкира. Йуха Іашурас сийначу кьоламца хІорд биллира, цу тІехь Іаьржачу кьоламца хІордан кеманаш а дохкуш. Можачуьнца малх биллира.

Массо а кьоламах пайдаэца хиира йоІана. Лекха лаьмнаш, можа малх, сийна хІорд, баьццара аренаш, хьаннаш йара цуьнан суьрташ тІехь.

## 7 КЛАСС

### 1. Схьайазйе текст.

ЧІогІа сатеснера бераша бІаьсте йаларе. Арахь ло Іуьллура. Шелонна пепнаш лелхаш хезара буса. Амма, пана лела мархаш санна, сихо йоцуш дІаьохура дахделла денош, беттанаш. Бекарг баттахь дуьйна наггахь гучуболура малх. Оханан баттахь ло даша доладелира. Ламанан басешкара хьаьвдда догІура зевне татолаш. Іарждедлачу лайн кескаш, лазийнчу саьрмикан меженаш санна, худалуш, текхаш, Іаннашка дІайахара. Иштта дегош, хІинцца хІоа чуьра даьлла кІорни санна, хебаш, лаьмнашкахь хІинцца а Іуьллучу лай кІелара хьалагІертара ховха лайн зезагаш.

Басешкара хьаьвдда догІу бІаьстенан хиш севчича, тогІи чохь йолу хьун, чІенигаш а йаьтгІа, сийна-баьццара бос эцна, кьонйелла дІахІоьттира.

Баганан, базанан, докхан луьста хьун йаьллачу лаьмнашкара схьахезачу олхазарийн самукьанечу аьзнашка ладоьгІуш, Йоккхачу Бабин ирсан тІулгах долчу дийцаран ойла а йеш, терхи тІехь Іара Мика.

### 2. Схьайазйе текст.

Ша балхара мукьа волчу хенахь жІаьбла цхьацца гІуллакхаш кхочушдан Іамо волавелира Асхьаб. Шега де бохучух атта кхеташ долчу жІаьлина, дукха хан йалале Іемира шега буьйр дича тІедан а, улло деана охьахаа а, дІадижа а, хьалагІатта а, такха а. Кхин а масане дара уьш, цо кхочушдеш долу гІуллакхаш. Салман шен доттагІчух дозалла дина а ца волура.

Аьхкенам заманчохь, де дохделча, гена доцуш догІучу хи тІе лийча вьодура Асхьаб, Салман а оьций. КІантана чІогІа хазаетара хи чохь. Амма цкъа а шен доттагІ доцуш ца вьодура кІант цига.

Айми чу а волий, берда йистехь лаьтташ долчу Борзике шена тІекхойкхура кІанта. Ша долччуьра кхоссалой, цинцаш дІаса а кхуьйсуш, хи чу эькхара жІаьбла. Иза шена улло кхоччушехь, шина а куьйга цунна хи детта волалора Салман.

### 3. Схьайазйе текст.

ТІай тІехула чекх а ваьлла, новкъа хьалавоьдуш волу со мелла а вохвеллера. Ткъа аьтту агІор Іин чухула, хазачу мукьамехь декаш, охьаьохура дагна хьоме Хулхуло. Когаша, цхьа ша-шаха оцу аьтту агІор дІа а верзийна, басах чувоссийра со...

Корта тѹлга тѢ а биллина, хина дуьхьал вирзина, вехха Иллира со. Аьхкенад довхачу дийнахь гѢххьа малделлачу хин кегийчу тулгѢша эсала хьѡстура дегѢ. Меллаша хи чуьра хьала а шершина, гомхачу берда йистехь, гаьннаш а охкийна лаьтгачу бѢран ИндагѢ корта а буьллуш, аркьалнехьа бай тѢ дѢнисвелира со. ДѢакхевдина сайн тѢърмиг коьрта кѢл нисбина, бѢьргаш хьабдира ас. Жимма Иийча суна, хаа а луш, наб озийра. Суна хѢнца дага ца догѢ, хѢун гѢан-набарш хьаьвзира гонаха. Малхо дегѢ боддина, керчина ха харца а карах ца долуш, Гуьллура со.

#### **4. СхьайазѢе текст.**

Йерриге а гѢопа чохь дукха ца йисинера шайн долахь говраш. Уьш а комиссис ца магош йисинарш йара. Царах цхьаь тхайниг йара. Ханна йоккха хиларал совнаха, аьрру бѢьрга тѢхь кѢай долуш а йара Расха. Говрана Гуналла дар Иийсаний, суний тѢхь дисинера. Со цахь воцчу шина баттахь говре хьѡжуш хиллачу Иийсас хѢнца, со ца кхачна аьлла, говр башха тергал а ца йора. Шен карахдаьлча, наггахь докьаран цѢов-м тосура цо, ткьа суна Расха дукхайезара.

Хьекьал долуш говр йара иза. Шега кхайкхича, тѢейогѢура, шега бехча, ког а кховдабора, сан керайуккьера шекар а, кампет а дѢаьцура цо. Геннара со шена гича а, терсаш, шена тѢевоьхура цо со. Йа, ша йаьстина хилча, йодий суна тѢе а йогѢий, шен корта сан белша тѢе буьллура Расхас.

#### **5. СхьайазѢе текст.**

Гуьйранна араваьлла ахь ладоьгѢча, дуьйцийла доцуш, самукьадолу. Хьуьнхара схьахезаш тайп-тайпанчу олхазарийн зевне эшарш хуьлу. Вайн хьаннашкахь эшарш хаза йолуш дуккха а олхазарш ду.

Малх схьакхетталц эшарш ца совцайо цара. Мел дукха ладегѢарх кѢордор доцуш, башха мукьамаш хеза. Малх схьакхетча, жимма са а даьѢна, иза чубузуш, эшарийн ловзар йухадолор ду олхазарша. Сахиллалц декаш, шайн хазачу эшаршца буьйса новкьайоккху цара.

Цу олхазаршна йукьахь адамашца уггар чѢогѢа гергарло долуш а, кьардайна а хиларца билгалдаьлла ду мокха хьоза. Кор диллина хилча, корох чудогѢий а, рагѢу кѢелахь лаьтгачу пхьегѢаш чу хьѡжий а, шена амал бо цо. Цу олхазаро деш дерг доккха зен дац, цо бечу пайдане хьаьжча. Стоьмаш тѢхь хуьлуш долу зуламе нѢаьний даош кѢорнеш кхабарна, Ѣалашдан деза и башха олхазар.

## 6. Схъайазйе текст.

Тхан куьпахъ вовшахкхетий, даима ловзуш хуьлура бераш. Цхъацца дуьйцуш, наггахъ кыйсамаш хуьлура церан. Ша-ша бакъ хеташ, кыйсам кIаргбелча, Гоцига хоттура бераша.

Бакъверг а, харцверг а къастош, Гоцис аьллагун тIехъ кыйсам чекхболура. Бераш тешара цо аьллагух. Цунах тамаш бойла а дацара, хIунда аьлча массарна а иза билгалваьллера бакълуьйш хиларца.

Цхъана дийнахъ ловзуш дохкучу берашна тIе а веана, уьш чехадора воккхачу стага ИбрахIима, цара шен куьзганан бIаьрг бохийна бохуш. Гоцис шена тIелецира бехк.

– Ахъа бохийнехъ, хIумма а дац. Хъайна хууш дийр дац ахъа и санна дерг, – аьлла, дIавахара воккха стаг.

Бераш цец а девлла лаьтгара, цо и бехк шена тIелацарх тамаш беш. Куьзганан бIаьрг, бераш ловзуш ца хууш буьрка а кхетта, боьхнера. Гоцис даре ца динехъ, бехк хьенан бу, хуур а дацара.

## 8 КЛАСС

### 1. Схъайазйе текст.

Бешахъ болх бина а ваьлла, цIехъа воьгура Тавсолта. Схъавоьгуш гонахарчу Iаламе кест-кеста бIаьрг тухура цо. Цунна йезара ша вина хIара йурт а, шайн дахаран даима теш хилла лаьтта гонахара и лаьмнаш а. Эскиной йоцчохъ, вахар-вар доцург, бутт а ца баьккхинера Тавсолтас.

Чувахале, ша воьгучу новкъара схъа а вирзина, ЦIен-Бердехъа вахара иза; схъахезира масачу Яссин гIовгIа. Гучуйелира маьI-маьIпера бацо сенйна лекхачу бердан цIен тарх. Бердан йистте дIахIоьттира Тавсолта. ТулгIеша аьгна хин йист лахара кегийра чукерчара, амма берд тешаме бара. Цу ЦIен-Бердехъ, Ясси-хин йистехъ, дIаьаханера кхуьнан жималла. ХIетахъ, дукха зама хьалха, бердах киртигаш йохуш баьккхинчу новкъа хитIа йоьгура кхунна йезайелла къона Нурбика. Ма товш хуьлура и, гуьлмаьнда а тиллина, кIудал а белша тIехъ хийистехъ лаьтташ, цIечу пошмакхан буьхьиг байн лаьтташ а хьоькхуш!

### 2. Схъайазйе текст.

Бес-бесара ойланаш туйсу тIулгаша коьрте а, даг чу а...

Халкъо олу: «Хи дIадобду, тIулгаш дуьсу». Иза доккха маьIна долуш хIума ду. ТогIи чухула охьадоьгучу шовданан хи дац дуьйцург, дерриге а совнаха дерг, дош доцуш довш дерг ду. ТIулгаш дац дуьйцуш дерш,

тоГешкахъ Іохку. Дерриге а бакъдерг, сийлахъ дерг, стагах къонаха веш дерг ду.

Кху тІехъ аса вовшахдетта гулдина тІулгаш – уыш историн агІонаш, доьналле адамаш, халкъийн уыйраш йу! И тайпа тІулгаш вовшахтоьхча, царех хуьлу шатайпа бІов! Вайн таханалерчу дахаран бІов! ХІора къонахчун кхетаман бІов! И тайпа бІов йутту тІулгаш ахчанах эцалуш дац. Уыш гуллуш ду хъанал некъ буьллучу хІора стеган кхетамехъ. И тайпа тІулгаш алсам гулдаларе терра йу хІора стеган син бІаьвнан локхалла, хазалла, ондалла!

Стенах йутту вай вешан дийцаран бІов? Иза Іаламат исбаьхъа хир йу, массо хІуман тІехъ нийса йуттур йу ала-м хаац. Цуьнан нийсалла, ондалла замано зуьйр йу.

### 3. Схъайазйе текст.

Дингад – иза дехо дуткъа дегІ а долуш, дехках тера жима экха ду. Луьста ира цергаш йу цуьнан. Кегийра кхоьлина бІаьргаш ду. Цунах нохчаша «цІецайоккхург» олу. «Дингад» аьлла цуьнан цІе йаьккхича, иза кертара дІайоьду олуш ду. Иза кертахъ хилар пайдехъа хета адамашна, хІунда аьлча цо мукдехкий а, дехкий а хІаллакдо.

Дингадан садоІуш хан йан а йац. Буса а, дийнахъ а толлу цо дехкашна. Цхъана дийнахъ-бусий итт-пхийтта дахка буу цо, ша оццул жима йоллушехъ. Ша йуьзча а ца Іаш, дехкий дойъу цо, шена тІаьхъало йеш. Кхин дахка ца карош ша мацІелча, йухайогІу иза, ша тІаьхъалонна дитина дехкий даа. Хаддаза уьдуш леларо мацІо иза, цундела сих-сиха дуу цо пхьор.

И жима экха керта кхаьчначу меттехъ дехкийн хІу дов. Цхъанхъара ша уыш хІаллакдича, кхечахъа дехкий лаха дІадоьду и. Иштта тамашийна экха ду-кх дингад!

### 4. Схъайазйе текст.

Колхозо йуьртана гена йоцуш, тоГи чу хи а хецна, бедийн ферма йиллира. Хи тІехъ луьйчуш а, йистошца йежаш а хъалакхиира бедан кІорнеш. Ши эзар сов йара уыш.

Бедаш Іалашйан тІейиллина кхоь белхало йара. Цара шен хенахъ хІоь а тосура бедашна, бІаьргъІуналла а дора. Буйсанна бедаш чуйерзо бІаьлланган серий а дуцуш, эрз тІе а тухуш, йина баннаш йара. Сарахъ оцу баннаш чу лохкура и бедаш белхалоша.

Іомана гонаха луьстта коьллаш йара вовшахъийна. И коьллаш хилар бахъана долуш, боккха аьтто бара чагІалкхийн а, цхьогалийн а йуьстахйаьлла бад лаца. Бедаш а къахкош, даррехъ тІекхетта бад лаца ца лаьара акхарошна. ХІилла ма ду цаьргахъ а. И дича коьртахйевр ма йу уыш. ТІаккха хехочо тоьпан цІарца шайн цІока морцур йуйла ма хаьа царна. Цундела, кондарш кІелахъ дІа а лечкъий, гІа меттах ца хъадеш, бедашна къайлаха тебара уыш.



## 5. Схъайазйе текст.

Дйаахара бераллин хаза хан, тйахъайисира ишкол а. Хъалхахъа лаьттара кезиг девза, чолхе делахъ а, тамашийна дахар. Оцу тйаххъарчу дешаран шарахъ охашимма дукха ойланаш йора, дахаран муьлхачу новкъа гюо-техъа вайша бохуш. Бакъду, тхойшинна-м, хъехархо а хилла, ишколе вухаверза лаъара.

Хъехархочун болх бан кхин дйа а деша дезара. Ткъа итт класс чекхийоккхуш ткъаткъа шо хенаш а йолуш, кхин дйа а доьшуш лела воккха хиларна, хъехархочун говзалла йамо аьтто бацара тхойшиннан. Жима волуш да-нана делла, байлахъ висна шен вежаршца вехачу сан доттагичун Анзоран хъал кхин а аьтто боцуш дара.

Аттестаташ каракхаьчначу буса тхойшинна наб ца кхийтира. Хазахетаро а, шолгичу дийнахъ дахаре дуьххъара таса йезачу гюлчо а йайбинера наб. И хъалхара гюлч тесира охашимма, тракторна тйахъа тийсинчу нахаршца йалтийн аренаш охуш. Иштта дйадоладелира тхойшиннан кьинхъегаман дахар.

## 6. Схъайазйе текст.

Ширачу заманан тйулгаш... Бес-бесара ойланаш туьйсу цара коьрте. Амма цхъа а ца вуьту сапаргйат. Орца доху цара шайн тийналлица. Хунда хетахъ а, царна гергахъ ша-ша бехке хета. Суна дуккха а гина и тйулгаш лаьмнийн чйожашкахъ, боьранашкахъ, бердийн йистошкахъ. Дуккха а ду замано макхдина и тйулгаш хинца а бйавнийн, гйаланийн пенашкахъ. Кхин а сов йу йоьхначу гйишлойн тйулгийн оьланаш.

Амма шу а ца хета дагна хийра, мокха тйулгаш, шога чарташ... Дайн куьг хьоькху шух, сайн дайн озачу беснех санна. Кийра йаббош чууьйзу шун тйуналла, сайн дайн хъацарш санна. Со цхъаьна ву шуьца, атарх а, вагорх а дйакъасталур воцуш!

Тийналлехъ йохку шога тйулгаш... Сан генабевллачу дайн дегнаш дохдина, церан паргйато, сий лардина тйулгаш – безам а, мостагйалла а, йамартло а, доттагйалла а, кьизалла а, кьинхетам а хийла гина тешаш.

## **Йуххедиллар 2.**

### **Йеша магийна литература**

#### **5-6 классаш**

- 1) Сулаев Мохьмад «Техтохар».
- 2) Бадуев СаьИид «Кемсаш».
- 3) Гайсултанов Гумар «КІанталг».
- 4) Саракаев Хьамзат «Ширачу гІопехь».
- 5) Шамсудинов Бувайсар. «Жималлин суьйренаш».
- 6) Саидов Саид-Селим «Мажйелла кехатан цуьрг».

#### **7-8 классаш**

- 1) Мусаев Мохьмад «Таймин Бийболат».
- 2) Хамидов Іабдул-Хьамид «Абубешар».
- 3) Айдамиров Абузар «Кхолламан цхьа де».
- 4) Ахмадов Муса «БочІа».
- 5) Бексултанов Муса «Дика ду хьо волуш».
- 6) Хамидов Іабдул-Хьамид «Экзамен хаттар».